



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vera Sapientia

**Pinamonti, Giovanni Pietro
Segneri, Paolo**

Coloniae, Anno M.D.CCVI.

VD18 12664146

Ab homine, vili creatura.

[urn:nbn:de:hbz:466:1-50782](#)

PUNCTUM III.

Quis sit Offensor.

*Terra & cinis. Eccle. 17. 31. Testa
de saniis terra. Isaiae 45. 9. Pulvis
ante faciem venti. 34. 6. Nibilum
& inane. Isaiae 40. 17.*

III. Considera. Quis ille sit , qui
Chunc Dominum offendit, tan-
taque afficit injuriā. Temetipsum igi-
tur corpore tenus considera. Esne a-
liud , quām nihilum luto vētitum?
paucos ante annos, nec hilum quidem
tui erat in rerum natura , paulò pōst
rursum à vermibus consumēre, & mo-
dicum illud, quod superest , in cineres
redibit. Hoc igitur pauxillum pulvis.
culi audet adversus Deum insurgere?
considera te postmodum in peccato
Originis conceptum , neque adē te
fuisse priūs , quām es es inimicus Dei,
mancipium Diaboli , privatus omni
gratiā, æternū cœlo exclusus, Hære-
ditas tua est ignorantia mentis, malitia
voluntatis , imbecillitas ad bonum,
pruritus an malum insatiabilis. Huic
pessimæ hæreditati adjecisti ex tuo tot
pec-

peccata actu commissa , atque enatas
inde pravas habitudines, quibus debi-
torem te fecisti divinæ justitiae , omni-
que auxilio indignum. Quod si peni-
tius adhuc temeripsum cupias dignos-
cere , institue comparationem te inter
& genus hominum universum ; quan-
tula tu igitur, Deum immortalem ! es
portio tantæ multitudinis hominum,
nempe qui fuerunt ab initio sæculo-
rum, sintque hodie, & erunt ad finem
usque mundi. Quis verò , es etiam
comparatus omnibus Angelis , omni-
bus rebus creatis, & creandis, quæque
adhuc latent in thesauris inexhaustæ
Dei potentia ? Quis te unum ex innu-
merabili hac multitudine dignosce-
ret ; quis ullam tui haberet rationem ?
quod si quasi nihilū reputeris, in com-
paratione tot innumerabilium rerum
creaturarum , cogita quid sit collatus
Deo, in cuius oculis omnis hic nume-
rus , atque hoc omni infinitè etiam
major , perinde est, ac si non esset ?
*Omnes gentes quasi non sunt, sic sunt co-
ram eo.* Isaiae 40. Quid nunc ais ? an

A 6

ad-

adhuc sat animi tibi est , cum peccato-
ribus laeessendi Deum ? profectò nè
formica quidem desiperet magis , so-
lem insano ausu impetitura.

ORATIO.

Quid magis admirer, Benignissime
Deus, sanè nescio, tuamne inaudi-
tam patientiam in me tolerando, an
meam incredibilem impudentiam in-
te offendendo, id sanè; inquam nescio.
Ego te considero in throno Majestatis
tux, innumerabilem Angelorum, &
beatarum mentium multitudine sti-
patum, qui dum vident infinitam mag-
nitudinem tuam , præ tui reverentia
contremiscunt, & horrore attoniti fa-
crum illud trisagion absque intermis-
sione ingeminant : Sanctus: Sanctus:
Sanctus ! Neque hac irrequietâ laude
contenti, cooperiunt facies suas vene-
rabundi, & prosternunt se ante pedes
tuos, velut qui non mererentur assi-
ze throno tuo , ego autem abjectissi-
mus vermiculus, dum hi te adorant, &
colliquescunt amore ac reverentiâ tui,
ignominiis te , ac contumeliis lacerfo,
quos

quos si tu feras diutiū malitiæ excessus, & ego committere porrò pergam, non video sane quomodo aut clemencia tua, aut mea malitia progredi plus ultra possit. Merebar equidem, cum primum peccasse, ut hæc, cui insisto, tellus non ferret me amplius, merebar ut ad obsequium meum deinceps non essent elementa, neque suam mihi imposterum Sol ut lucem dispensaret, sed fulminibus totidem, quot radiis feriret, merebar, ut novus pro me solo atque unico fabricaretur infernus, novus inquam, quia vetus ille, qui nunc est, castigandis sceleribus meis non erat suffectorus. Tu autem, mi Deus, in locum horum omnium, offers mihi gratiam tuam, primusque pacem expectis. O Bonitatem inauditam! O patientiam omni majorem humanam, vereque divinam! advertite igitur aures, vos cœli incolæ, ad mentis meæ sententiam. Ut respondeam quædam, tenus tanto amori, protestor, quod, tametsi infernus non esset, peccatum tamen mihi displiceat magis, quam om,

omne aliud malum, idque unicè, quia
est offensa Dei mei, quam neque com-
mittam amplius totius mundi gratiā,
licet inferni essem prolsus securus.
Hunc meum vestrumque Deum ha-
bebo imposterum eo loco, quo meres-
tur haberi bonum infinitum, inæsti-
mabile, incommutabile; quod solum
infinita abysso misericordiæ suæ des-
mergere potest abyssum malitiæ meæ.
Proterva hæc lumina, infelices hæ ma-
nus, lingua ista miserabilis, & corpus
hoc fragile, quæ instrumenta suæ
peccati, volo, ut deinceps & pœnitentia
serviant, Tu mi Deus, per hanc ip-
sam bonitatem tuam, per honorem
sanctissimi nominis tui, per gloriam
divinarum tuarum sponsionum, con-
cede obsecro, ut ita fiat, & misericor-
dias tuas novis miserationibus cumu-
lando, ita transmuta cor meum, ut
quantum nomini tuo hactenus fui re-
fractorius, tantundem imposterum sim
fidelis; quantumque offendit, tantum
tibi serviam, jamque hoc momento
incipiam nunquam finitus in æter-
num, Amen.

CON-